

書名 空同先生集六十三卷 嘉靖九年序刊本
 撰者 明 李夢陽 撰
 卷 卷三十
 內容分類 集-別集-明中葉
 索書號 倉石:40084
 編號 4008000

卷三十

空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

鈍賦

述征賦

宣歸賦

寄兒賦

竹石賦

[彩色首頁1](#)

[東洋文化研究所漢籍目錄 編號: 4008000](#)
[東洋文化研究所漢籍目錄所藏漢籍善本全文影像資料庫 索書號: 倉石:40084](#)
[漢籍善本全文影像資料庫文本空同先生集六十三卷 嘉靖九年序刊本](#)
 版權所有: [東京大學](#) [東洋文化研究所](#)
[使用上的注意事項](#)

乾坤高卑易矣。星辰在下。江河逆矣。天喬喬天。

北郡李夢陽撰



空同先生集卷第二十九

空同先生集卷第三十

北郡李夢陽撰

詩 七言律詩七十首

遊覽四十二首

潼關

題雲臺觀

榆林城

出塞

武昌

江行

泛湖

南溪秋泛三首

遊西山歸呈熊御史卓

出輝縣城望石門山其上有仙潭玉鯉

盤山道中作

遊上方寺晚登鐘樓

王孟寺北望

賢隱寺

開先寺

瀑壑晚坐

五百石貴溪

東華山贈友

龜峰寺

別龜峰

鉛山石井

鉛山陸趨宿南山寺

自新喻馬赴新淦方等寺晚飯

快閣登眺

麻姑山

題玄壇觀

將至安仁

看廬嶽

楚望望襄中形勢

繁臺雨望和田生

大梁城東南角樓

晚過禹廟之臺

題黃公東庄草堂

少林寺

望少林寺次韻

宿少林寺次韻

暑日過雪臺子園庄

城東陂秋泛

立夏後晴遊我庄

徐將軍園亭

詠物二十八首

清明下糧廳題杏花

柑至

菊

牡丹盛開羣友來看

冬至菊

王左史宅賞冬菊

乙亥春郊圃牡丹盛開聿予離茲倏爾四載

實兄蒔藝成功約客往賞屬雨發詠焉

人有送牡丹花至者與客同賦

牡丹賞歸東邊王仁霖
滛想郊園牡丹

郊園錢御史許君屬牡丹盛開

看牡丹晚移席草堂再贈許君

王左史宅賞牡丹
郊園牡丹復花容往

夏日盆荷階葵芬敷率爾成句

山行見梅
谷園二月梅集

梅下限韻作
賞歸憶谷園梅

詠蟬
和清明後見燕

秋日觀白雲生率爾成句

和李大隔牆元予家海棠次其韻

同雙溪方伯詠石几
石几再賦

詠陶臺使蘭陽公解五色葵花

詠餅中柏限韻
為崔後渠詠棗竹亭

游覽四十二首

潼關

咸東天險設重關
閃日旌旗虎豹閒
隘地黃河吞渭

水炎天白雪壓秦山
舊京想像千官入
餘恨逡巡六

國還滿眼非無棄
繡者寄言軍吏莫
嗔顏

題雲臺觀

雲臺觀枕玉泉
湄翠削三峰對
不移窻裏山光
時隱

見晚來雲氣壁
淋漓醮辰絳節
朝羣帝天路金
童引

鳳螭頭白掃門
憐弟子斲松石
礙白苓滋

榆林城

旌干嫋嫋動城隅十萬連營抵爲胡不見坐銷青海
箭盡言能挽繡螯張白金獸錦非難錫鐵券貂璫莫
浪圖昨夜照天傳砲火過河新駐五單于

出塞

黃河白草莽蕭蕭青海銀州殺氣遙關塞豈無秦日
月將軍獨數漢嫖姚往來飲馬時尋窟弓箭行人日
在腰晨發靈州更西望賀蘭千嶂果雲霄

武昌

武昌城北大江流沱水夾城鸚鵡洲楚蜀帆檣風欲
趁蛟龍濤浪暮堪愁青烟自沒漢陽郭新月故懸黃

鶴樓無限往來傷赤壁三分輕重本荊州

江行

江行日日隨風雨日日迎風帆不懸頗怪蛟龍權出
沒更兼鷗鷺劇連翩窓開浙浙葉書濕岫轉冥冥竹
纜牽迴合萬山心目破撇旋誰忍向湖烟

泛湖

匡廬彭蠡曲相連伐鼓蠻歌趁進船屏見雲橫石壁
浮鏡開日破浪花圓漁樵山澤堪時給盜賊干戈在
目纏遣帥已添新節制指揮行見掃風烟

南溪秋泛三首

聞說南溪徑尺魚漁人何事網常虛魚行瑣葦深先

見網入寒潭漁不舒東舍刈禾捶夕浦西隣決水溜
秋渠平生肉食憂空切此日臨淵意有餘

乍見鸛鷓亦釣磯還驚翡翠掠波飛汀葭晚宿濛濛
霧野竹晴含宛宛暉謝傳未忘舟楫興楚臣空戀芰
荷衣蒼茫水落雲泥靜悵望林翁却自歸

却向林亭觀水磴暫移沙舸躡雲堆奔湍迅轂元相
激石竇桐標故不摧旋影動挫波底日斷聲吹轉地
中雷何人解識機心事後世徒矜造化才

遊西山歸呈熊卓

高閣開襟生遠興西山當眼更分明酒邊花樹三春
晴湖上風林盡日清憶昨並穿巖洞入只今疑繞薛

羅行浮生擾擾非吾意去鳥悠悠空世情

出輝縣城望石門山其上有仙潭玉鯉

明星欲落開縣城千峰萬峰初雪晴源泉亂石洎洎
溢削壁孤雲裊裊生估客深穿猛虎窟樵夫習傍翠
巖行仙門屹立三潭水玉鯉空懸一線情

盤山道中作

磴道晴雲雪草春石門丹壁闢嶙峋聞雷不羨蛟龍
起避地畚將虎豹鄰少室山人虛素價壺關三老實
藏珍烟花白口經行處鴻鴈冥冥嘆此身

遊上方寺晚登鐘樓

東北叢林冠此都地分清寂聚僧徒青天寶塔還今

古赤日珠光乍有無
草徑鷺軋時獨立
松林鶴並晚相呼
登樓更見河流急
嘆世因悲馬負圖

王孟寺北望

在郾城縣南

暑路塵沙淹客心
晚原臺榭慰登臨
西山日抱重簷落
汝水雲移盡棟陰
盜賊兩河猶轉戰
朝廷萬載莫輕侵
懷芹欲獻江湖遠
北望徒傷北極深

賢隱寺

在信陽州

谷寺鳴鐘午未深
耽幽特與伴相尋
行穿樹杪樓臺見
坐傍山腰紫翠沉
獨響澗泉傳石竇
並飛梁燕入松陰
徘徊自笑三江客
佇望誰知萬里心

開先寺

讀書臺倚鶴鳴峰
廻合千山翠萬重
白晝懸泉喧霹靂
靄清秋雙劔削芙蓉
撐持古寺還雲閣
寂寞前朝自暮鐘
瑤草石壇應不死
興來真欲跨飛龍

瀑壑晚坐

醉踏匡山晚未遲
翠巖丹壑凜秋姿
峰高瀑布天齊落
峽靜星河夜倒垂
遠害欲尋麋鹿伴
暫羈終與世人辭
磨崖徧剔蒼苔石
讀獨坐雲松有所思

五面石貴溪

一本無貴溪二字

東華山北五面石
削成五面何嶙峋
崩崖鼠餐何代雪
陰洞苔滋千古春
映日閃閃上雲氣
步天渺渺昇仙真
草木食亦吾志
放浪胡爲羈此身

東華山贈友

午時叱馭踰重險薄暮捫蘿到絕巔四海風煙落日
外萬山閩越酒杯前劇傷嶺谷旌旗滿暗憶家園道
路偏自古有人同戮力吾曹須擬太平年

龜峰寺

弋陽縣南山下寺三十二峰羅列竒最愛紫烟生石
鼎絕憐青嶂削靈芝峭岬哀壑還人世古徃今來自
鬢絲已遣野場維玉騎合留岬月照金卮

石鼎靈芝並峰名

別龜峰

江山龜峰天下稀挈朋貪賞夜忘歸冠裳他日思丹
壑車馬平明發翠微歸路竹蘿偏拂憶出山雲氣故
隨衣杳然一笑憐踪跡自不投簪願孰違

鉛山石井

吁嗟此巖太竒古雲牙石乳相拄撐碧泉中洞晝亦
贖青草倒垂冬尚生即令入海信誰遏祗恠出山常
底清撤促桑柘會欲落倚此可濯慙我纓

鉛山陸趨宿南岩寺

北風越南山木稀關西宦子常念歸遠烟漠漠谷日
暝前路迴迴冬燒微村春水旋疾徐應灘鴈夜驚高
下飛鐘鳴騎合岩寺近松火竹深開石扉

自新喻馬赴新淦方等寺晚飯

趨途暝雨已忽霽入寺晚飯烏將栖仲夏稻苗特裊

長黃昏松桂何淒淒流年遠村換物色曠野青天悲
鼓鼙我我百丈屹在眼策馬欲攀交虎蹄百丈山有范棹山房

快閣登眺

江上冥冥風浪生閣中清眺會儒英野舟冒險只自
度汀鳥避人時一鳴四海登臨吾白髮萬山迴合此
孤城劇談轉切憂時念日暮浮雲况北征

麻姑山

冒險探深雲霧收麻姑山水冠南州潭深自激風雷
黑谷迥誰羣鹿豕游仙女石壇殘欲沒魯公碑版斷
仍留可憐踪跡俱塵土兩瀑雲霄萬古流

題玄壇觀

江行晝靜便清暑水口山竒鎖吉安豈爲天生饒性
石遂令人擬築玄壇潭渦地轉常年黑樓閣岬懸五
月寒風爛把杯聊暫倚海蒸雲起故須看

將至安仁

安仁古岸义河濱細柳濃烟密弄春花發北山翻盜
賊眼昏南國且風塵盤渦浴鷺綠誰喜下瀨雙帆他
自親破浪會看風萬里采薇應許畢閑身

看廬嶽

春時看嶽落星洲夏來看嶽復江州獨行稔負烟霞
伴久住非貪麋鹿遊石室丹書吾異世錦屏雙劍晚
遮樓登尋擬縱凉天目一葉飄飄江漢流錦屏雙劍並峯名

楚望望襄中形勢

楚望峯頭望楚雲，遙憐紫蓋紫陽君。廬荒不斷盤龍氣，碑滅猶存墮淚文。地轉江淮浮遠戍，木同巴峽斬雄軍。里名冠蓋非吾事，願訪鹿門麋鹿羣。

繁臺雨望和田生

感事逢時恨不稀，水城寒食半花飛。青郊白馬朝誰並，細雨輕帆晚自歸。何計上賓留鳳馭，是時有孝貞無書北狩挽龍旂。是時帝在宣府層臺獨上休翹首，牢落江州易濕衣。

大梁城東南角樓

城樓占角分孤峻，野色生烟合杳冥。華夏亦爲元社稷，古丘曾是宋朝廷。直看紫極雲霾壯，背觸黃河風浪腥。日暮馮軒益愁思，夷門今有少微星。

晚過禹廟之臺

暮行群過禹王宮，瑟颺松林靜入風。步競石梯秋獨健，眼收沙海月還空。聲名北上青驄客，潦倒中原白髮翁。杯酒重傷分手地，古今踪跡本飛鴻。

題黃公東庄草堂

草色通門柳覆牆，繞堂新雨足時芳。晴郊客過沾猶濕，春晝人間覺更長。拚引滿杯聽鳥哢，願留餘醞待花香。休誇水際兼山際，且醉松傍與竹傍。

少林寺

林深谷暝客子入鐘鳴葉落秋山空烟雲細裊石澗
底巒岫亂積松窓中唐碑漢碣蘚字剝虎啼猿嘯蘿
燈紅獨坐悠悠息塵想少室影下月出東

望少林次韻

三十六峰雲氣通何峰寺西何者東林岩霜橫遠亦
靜烟嵐日破重還空千山盡歷暮轉碧一樹不落秋
能紅漸聞鐘聲出杳靄得路誰憐馬僕功

宿少林次韻

萬山微暝一鐘鳴古寺深秋倦客情僧本折蘆菴面
壁人非騎鶴故吹笙寒催亂木風交響白動虛巖月
自生慚愧勞勞不成寐丁丁臥聽早樵聲

暑日過雪臺子園庄

蟬聲對色村村似一坐君亭日每斜靜裏柴門惟燕
雀老來樽酒是桑麻年豐鄰里家家麥時至園林處
處花苦熱只今憂赤土幾時龍起沛天涯

城東陂秋泛

一本作寺前秋泛限韻

返照孤城落木中畫舫秋水坐來空影涵樓閣人齊
過香引蒹葭路轉通雲氣襲樽溫復冷笛聲將拖北
還東不須預問天邊月波上餘霞閃閃紅

立夏後晴遊我庄

郊出不知昨夜雨日高烟翠濕空林楊花欲盡村村
雪梅子先傳樹樹金筴向市城開俗眼喜從園野見

秋之
同賦 曹嘉
湖上晴遊即鏡中輕
烟淡靄靜浮空岸迴
舟自蒹葭入塔迥雲
從殿閣通鷺吹魚龍
時出沒傍旋鷗鷺晚
西東迴繞更泛桃花
水不辨秋林返照紅

吾心繞亭奚啻千千竹夏日黃鸝更好音

徐將軍園亭

將軍別墅今停馬五月塘池蓮半紅舉眼江山惟赤
日快人樓閣自涼風穿林竹翠沾衣滿布席葵香撲
酒空平世主人虛抱武醉來誇挽六鈞弓

詠物二十八首

清明下糧廳題杏花

清明著處花爭發一樹庭前爾獨遲不爲炎天能結
實豈應官署許生枝桃蹊李徑雖多寵撲酒飛簾自
一時已辦青錢貪酪酏合教紅蕾赴深期

柑至

丹橘黃柑世所珍年年隨貢走風塵內廷賜出人人
羨近市收來顆顆勻翻訝久藏香不逸迥疑初摘帶
猶新金盤玉箸眞誰事寂寞文園自病身

菊

世上虛名白髮悲霜前幽壑迥春姿閑巡獨對眞憐
汝醉折寒花欲贈誰官舍野堂渾一色冷風淒露漫
相欺高年漸覺馨遠萬里徒傷酒一卮

牡丹盛開羣友來看

吾家何處牡丹園楊子岡西古宋原忽有芳菲妍岼
閣豈期車馬駐江村憐香實怕青蘿掩在野虛愁蔓
草繁碧草春風筵席罷何人道有國花村

冬至菊

至日貪看九日花，弄霜吞雪轉宜誇。思將正色留天地，肯使陰陽管歲華。寒帶已包重放萼，暖根應抱更生芽。書雲莫誤禎祥奏，斗酒東籬自有家。

王左史宅賞冬菊

菊筵元向春前約，共憶霜黃薄。牡丹冬日此逢香，欲暖夜堂偏醉色。終寒閑居四海嗟，吾賞晚歲三杯稱。爾官踈影獨枝看，轉劇好添華燭近高闌。

乙亥春郊圃牡丹盛開，幸予離茲，倏爾四載。實兄時藝成功，約客佳賞，屬雨發詠焉。

牡丹元種無多本，別久叢分鬱映杯。穠劇祇宜鷓鴣鳥，戲品增疑傍棣花。開支離野圃，群葩掩杳。暮春庭細雨來，高會主賓忻並健。衝泥車馬莫空回。

人有送牡丹花至者，與客同賦。

大梁城郭萬人家，大半朱門競此花。不爲國姿寧用折，翫傳賓手轉須嗟。雙牽戲蝶臨書牖，獨惹遊絲撲釣槎。我亦有園新植此，往來無倦出城車。

牡丹賞歸東邊王二子

非因絕代專芳品，豈復郊園守後時。夜靜雨姿應更劇，野寒風蕝莫頻吹。空齋獨憶香仍滿，晴日重尋路不遲。肯擬飛觴留健筆，願扳驄馬護高枝。

霖淫想郊園牡丹

園途雨濘花遙阻倚杖流雲灑北郊縱使彩烟偏國
本豈逾清露足春梢卷心暗蒞須時苦綠濕紅沾任
俗拋傳道魏緋纍滿眼傍株今可結遊庖

沾

郊園餞御史許君屬牡丹盛開

曠圃風郊爾獨開國香仙色敢辭猜若先桃李名應
戒縱隔城池客自來穠壓野欄張燕待餞臨官路挽
驄陪萬鬚千萼非容易忍遣臺霜近酒杯

看牡丹晚移席草堂再贈許君

晚坐移花酒並移几鐙窓月轉春姿情真解纜爭侵
夜意不憐香豈盡卮洶洶野風誼樹惱冥冥波浪去
途疑亦知仙種貪行多醉聽鄰鷄是別期

王左史宅賞牡丹

槐庭絃管稱春筵草圃繁華近暮天老爲名花拔自
放醉逢國色轉須憐娟娟影靜金尊裏冉冉香回玉
笛前莫問平章舊時宅沉香亭已入荒烟

郊園牡丹復花客往

問主尋芳客故來百花開盡此花開凄涼野徑堪重
馬爛漫天香只草萊穿葉自由蜂逐逐坐枝頻起燕
迴迴楊花暮合風沙迴繞樹猶傾醉後杯

夏日盆荷階葵芬敷率爾成句

候及名叢每自芳物華清暑倍年光出波翠蓋枝枝
靜入院丹心朵朵香向日豈期回俗眼折筒聊得洗

詩腸不應種近榴花奪繞檻巡池淚數行

山行見梅

長至山行梅不遲攀條觸雨益垂垂雲暗野橋真獨
見歲寒蜂蝶敢相欺時心已抱調羹實久色難銷傲
雪姿愁在不綠鄉國亂白頭心事本同期

谷園二月梅集

江南梅花苦繁劇江北有梅花不肥春枝已矜雪後
媚玉蕊即妨風處稀金尊綺席不時賞快馬輕車堪
夜歸遙憶暗香月色動莫令遽掩東園扉

梅下限韻作

聞說仙芳每避凡託根長傍竹松巖那期野圃深隨

酒可奈風花細撲衫斜日席移春欲透步叢香起
猶銜歲寒朋舊今何處徒倚裁書手自緘

賞歸憶谷園梅

臨梅真惜先開蕊後蕊吾歸應更繁藉草無愁細細
落有蜂只恐垂垂翻折曾爛熳春携袖醉記扶疎月
坐園已覺時心向桃李肯綠孤潔重廻軒

詠蟬

秋來雨多涼氣深寂寞寒蟬愁暮陰幸值開晴方聽
汝不綠清切轉關心故逾叢棘沾沾入却傍高槐細
細吟曹賦僅能推感激駱詩徒亦擬同音

和清明後見燕

坐棟穿簾爾亦驚紛紛紅紫徧春城羣衝海霧寒應
阻對語堂花暖却明去住溪山他日夢主賓天地世
人情即論遲暮心難已切恐差池恨轉生

秋日觀白雲生率爾遣興

天際遊雲白裊裊渭陽羈客淚縱橫搏風弄雨有誰
見木落秋高堪自行變幻樓臺番有態突然龍豹轉
須驚老夫趁此欲登望怪爾輕遮翡翠城

和李大隔牆見予家海棠次其韻

種汝深愁樹不長數年今遽出吾牆臨嚮幸不矜全
色隔院應難搯暗香敢向紛紛爭俗眼私憐裊裊壓
時粧臙脂強半喧蜂少倘過同傾花下觴

同雙溪方伯詠石几

栗栗天生白石几癯癯日伴白頭翁清尊澹留不斷
客灌木陰森常自風看處遽浮金玉色移來深仗鬼
神功茲須小物君堪醉取致高山萬翠中

石几再賦

確然片石我之几置之堂邊樓在東葱芊海棠上重
綠絢爛盆榴旁小紅性含烟霞不減色光敵玉金常
吐虹老夫有時醉凭汝扣之高歌天暮風

詠陶臺使蘭陽公解五色葵花

炎天小縣葵葵好五色空庭日日香開正得時須讓
亦見宜尊禮莫欺黃交枝接葉誰爲衆異蕊同心自

向陽此物煩君獻天子上林間地草蒼茫


詠餅中柏限韻

愛汝側葉寒能青挿之銅餅依石屏畫屯雲氣果不
俗夜飛光芒疑有靈森聳似學鸞鳳翼屈曲已具虬
龍形更欲移栽萬仞嶺待與松桂凌冥冥

爲崔後渠詠葉竹亭

崔家孤亭萬竹裏繞牕栗栗青琅玕結實當春鳳不
餒託根有地龍且蟠霜風飄蕭起空谷美人翠袖生
暮寒彼淇盈盈一水隔望而不見徒自嘆

空同先生集卷第三十





馬國圖

